



Հաստատում եմ՝

Հյուսիսային համալսարանի

ռեկտոր՝

Մ.Մակիչյան

14 հունվարի 2026թ.

Հաստատված է համալսարանի

Գիտխորհրդի 2025թ. հունվարի 14-ի

արոշմամբ (արձ. № 8)



ԿԱՐԳ

ՀՅՈՒՄԻՍԱՅԻՆ ՀԱՄԱԼՍԱՐԱՆԻ ՔՈԼԵԶԻ ԱՇԽԱՏՈՂՆԵՐԻ
ԽՐԱԽՈՒՍՄԱՆ

Երևան 2025թ.

1. ԸՆԴՀԱՆՈՒՐ ԴՐՈՒՅԹՆԵՐ

- 1.1. Սույն կարգը սահմանում է Հյուսիսային համալսարանի քոլեջի (այսուհետ՝ Քոլեջ) դասախոսական կազմի, մանկավարժական կազմի, ուսումնաօժանդակ անձնակազմի, վարչատնտեսական անձնակազմի խրախուսման կարգն ու պայմանները:
- 1.2. Աշխատողների խրախուսման հետ կապված հարաբերությունները կարգավորվում են ՀՀ աշխատանքային օրենսդրությամբ, ինչպես նաև այլ նորմատիվ իրավական ակտերով, Հյուսիսային համալսարանի ռեկտորի հրամաններով և սույն կարգով:
- 1.3. Սույն կարգի նպատակն է խրախուսման համապատասխան ձևերի միջոցով խթանել Քոլեջի աշխատակազմի կայունության ապահովմանը, վարչատնտեսական, ուսումնաօժանդակ և մանկավարժադասախոսական անձնակազմի կողմից աշխատանքների պատշաճ իրականացմանը և արդյունավետության բարձրացմանը:
- 1.4. Սույն կարգով սահմանվում է նաև Քոլեջի աշխատողների խրախուսման սկզբունքները, տեսակները, հիմքերը, պարբերականությունը, ինչպես նաև կանոնակարգում է խրախուսման ամբողջ գործընթացը:
- 1.5. Սույն կարգը տարածվում է Քոլեջի ինչպես հիմնական, այնպես էլ համատեղությամբ աշխատողների վրա:
- 1.6. Խրախուսման հիմնական սկզբունքներն են՝
 - ա) արդարությունը.
 - բ) պատճառաբանված լինելը.
 - գ) խտրականության ցանկացած դրսևորման անթույլատրելիությունը:

2. ԱՇԽԱՏՈՂԻ ՆԿԱՏՄԱՍԲ ԿԻՐԱՌՎՈՂ ԽՐԱԽՈՒՍՄԱՆ ՏԵՄԱԿՆԵՐԸ ԵՎ

ՊԱՐԲԵՐԱԿԱՆՈՒԹՅՈՒՆԸ

2.1. Քոլեջում կիրառվում են խրախուսման հետևյալ ձևերը.

- ա) շնորհակալության հայտարարում,
- բ) միանվագ դրամական պարգևատրում,
- գ) հուշանվերով պարգևատրում,
- դ) լրացուցիչ վճարովի արձակուրդի տրամադրում՝ ուսումնական գործընթացից դուրս ժամանակահատվածում,

2.2. Խրախուսում կիրառելու հստակ կանոնակարգված պարբերականություն չի սահմանվում: Սույն կարգի 2.1. կետի բ ենթակետով նախատեսված խրախուսման ձևը կարող է կիրառվել ամսական, եռամսյակային, կիսամյակային պարբերականությամբ կամ մեկանգամյա կիրառման ձևով:

2.3. Սույն կարգի 2.1. կետի ա ենթակետով նշված խրախուսման դեպքում աշխատողին տրվում է ռեկտորի ստորագրությամբ և կնիքով վավերացված շնորհակալագիր:

2.4. Սույն կարգի 2.1. կետի բ ենթակետում նշված խրախուսման դեպքում աշխատողին տրվող միանվագ դրամական պարգևատրումը որոշվում է Քոլեջի Կառավարման խորհրդում հաստատված չափաքանակով: Միանվագ դրամական պարգևատրումը տրվում է ՀՀ դրամով:

2.5. Սույն կարգի 2.1. կետի գ ենթակետով նշված խրախուսման դեպքում աշխատողին հուշանվերով պարգևատրման դեպքում հուշանվերի գումարի չափը որոշվում է Քոլեջի Կառավարման խորհրդում :

2.6. Սույն կարգի 2.1. կետի դ ենթակետով նշված խրախուսման դեպքում աշխատողին տրամադրվող լրացուցիչ վճարովի արձակուրդի տևողությունը չի կարող գերազանցել 3 աշխատանքային օրը:

3. ԱՇԽԱՏՈՂՆԵՐԻ ԽՐԱԽՈՒՍՄԱՆ ՀԻՄՔԵՐԸ

3.1. Աշխատողների խրախուսման համար հիմք է հանդիսանում՝

3.1.1. Ռազմավարական առաջնահերթությունների ապահովման նպատակով որակի բարելավման նախաձեռնություններին մասնակցությունը,

3.1.2. գիտամեթոդական, գիտահետազոտական կամ ստեղծագործական ակտիվ գործունեությունը, առանձնահատուկ ուշադրություն դարձնելով տեղական և միջազգային պարբերականներում, հանդեսներում և գիտական ամսագրերում հոդվածների հրապարակումը, գիտաժողովների մասնակցությունը,

3.1.3. աշխատանքային կարգապահությունը,

3.1.4. սովորողների կրթական առաջընթացը և ձեռքբերումները,

3.1.5. ուսանողների կողմից դասախոսների/մանկավարժների դասավանդման արդյունավետության գնահատման արդյունքները,

- 3.1.6. ուսումնական գործընթացում նորարարությունների ներդրումը,
3.1.7. Քոլեջում աշխատանքային գործունեության /աշխատանքային ստաժի/ տևողությունը:

4. ԱՇԽԱՏՈՂՆԵՐԻ ԽՐԱԽՈՒՍՄԱՆ ԸՆԹԱՑԱԿԱՐԳԸ.

4.1. Ըստ անհրաժեշտության Քոլեջի մանկավարժական խորհրդում քննարկման է դրվում Քոլեջի աշխատողների խրախուսման հարցը, այնուհետև Քոլեջի տնօրենն ըստ վերադասության առաջարկ է ներկայացնում համալսարանի ռեկտորին՝ ներկայացնելով խրախուսում կիրառելու դեպքը և ձևը:

4.2. Մինչ խրախուսում կիրառելը համալսարանի ռեկտորի, Քոլեջի տնօրենի, մարդկային ռեսուրսների կառավարման բաժնի պետի մասնակցությամբ անցկացվում է համատեղ քննարկում՝ խրախուսման հիմքերն ուսումնասիրելու կապակցությամբ, անհրաժեշտության դեպքում համապատասխան ստորաբաժանումների ղեկավարներից պահանջելով սույն կարգին համապատասխան լրացուցիչ տվյալներ:

4.3. Քոլեջում խրախուսման ձևերը կիրառվում են համալսարանի ռեկտորի կողմից՝ համապատասխան հրամանով, որտեղ նշվում է խրախուսման ներկայացված աշխատողի խրախուսման ձևը, ամփոփ նկարագրվում են խրախուսման հիմքերը, անհրաժեշտության դեպքում կցելով համապատասխան փաստաթղթեր:

4.4. Խրախուսման համակարգի բարելավման նպատակով՝ պարբերական գնահատման և վերլուծության իրականացում՝ համադրելով այն աշխատակիցների հոսունության, գիտական հրապարակումների թվի աճի և աշխատակիցների բավարարվածության ցուցանիշների հետ:

5. ԵԶՐԱՓԱԿԻՉ ԴՐՈՒՅԹՆԵՐ

5.1. Սույն կարգն ուժի մեջ է մտնելու 2025-2026 ուսումնական տարվա 2-րդ կիսամյակից:

5.2. Ուժը կորցրած ճանաչել Հյուսիսային համալսարանի Գիտխորհրդի 2022թ.-ի սեպտեմբերի «5»-ի որոշմամբ հաստատված «Հյուսիսային համալսարանի բժշկական քոլեջի աշխատակիցների խրախուսման կարգը»:

5.3. Սույն կարգը ենթակա է պարբերական վերանայման՝ բարելավման ծրագրերի, որակի ապահովման ներքին գործընթացների և արտաքին գնահատումների արդյունքների հիման վրա: